



Bosna i Hercegovina
Federacija Bosne i Hercegovine
Hercegovačko – neretvanski kanton
Grad Konjic
GRADONAČELNIK



Broj: 12-24-1-3196/24
Konjic, 03.06.2024. godine

Na osnovu člana 15. Zakona o načelima lokalne samouprave u Federaciji Bosne i Hercegovine ("Službene novine FBiH", broj: 49/06 i 51/09), člana 38. Statuta Grada Konjica ("Službeni glasnik Grada Konjica, broj: 10/22), Odluke o donošenju budžeta ("Službeni glasnik Grada Konjica", broj: 12/23), Odluke o izvršavanju Budžeta Grada Konjica za 2024. godinu ("Službeni glasnik Grada Konjica", broj: 12/23), člana 5. stav 2. tačka 2.1 Programa utroška novčanih sredstava za novčane podrške aktivne politike zapošljavanja utvrđenih budžetom Grada Konjica za 2024. godinu i člana 3. stav 2. Pravilnika o utrošku budžetskih sredstava namijenjenih aktivnoj politici zapošljavanja mladih broj: 12-11-4-365/24 od 23.01.2024. godine, Gradonačelnik Grada Konjica, raspisuje

JAVNI POZIV

za učešće u „Programu podrške osnivanju biznisa (Start-up) i unaprijeđenju biznisa za 2024.godinu“

I. PREDMET JAVNOG POZIVA

Predmet Javnog poziva je dodjela podsticajnih sredstava u oblasti privrede za 2024. godinu na području Grada Konjica, s ciljem otvaranja novih radnih mjesta, unapređenja poslovnog ambijenta, poboljšanje općih uslova za razvoj i konkurentnost obrta, mikro i malih preduzeća, stvaranje povoljnije klime za domaće i strane investicije, te stvaranje tržišne stabilnosti.

Novčana podrška namijenjena je nezaposlenim osobama za sufinansiranje pokretanja biznisa kroz finansiranje troškova registracije biznisa, troškova opreme, naknade za doprinose, kao i poduzetnicima koji su registrovali obrt, ili društvo sa ograničenom odgovornošću u periodu 01.01.2024. godine do dana objave javnog poziva .

Visina bespovratnih sredstava po biznis planu može iznositi maksimalno do **10.000,00 KM**.

II CILJ JAVNOG POZIVA

Osnovni cilj javnog poziva je podsticaj samozapošljavanju mladih, žena i marginaliziranih kategorija društva sa područja Grada Konjica kroz sufinansiranje troškova pokretanja vlastitog biznisa, kao i podsticaj poduzetništvu i razvoju za novoosnovane poslovne subjekte (registrovani u periodu 01.01.2024. godine do dana objave javnog poziva).

III. PRAVO UČEŠĆA

Korisnici sredstava mogu biti osobe koje ispunjavaju sljedeće uslove:

- Nezaposlene osobe koje se nalaze se na evidenciji nezaposlenih JU Služba za zapošljavanje HNK – Biro za zapošljavanje Konjic ili poduzetnici koji su registrovali obrt ili društvo sa ograničenom odgovornošću u periodu 01.01.2024. godine do dana objave javnog poziva;
- imaju prebivalište na području Grada Konjica;
- pripadaju kategoriji osoba starosti do 40 godina;
- da će po odobravanju poslovne ideje registrovati poslovni subjekt na području Grada Konjica (za nezaposlene osobe);
- da nisu bili korisnici bespovratnih sredstava u svrhu samozapošljavanja od strane Grada Konjica u ranijem periodu;.

Pravo učešća na podsticaj po osnovu Programa **ne mogu** ostvariti sljedeći korisnici:

- fizička lica registrovana kao dopunska djelatnost ili imaju namjeru registrovati dopunsku djelatnost;
- fizička lica koja su od Grada Konjica ostvarila podsticaj, registrovala, pa odjavila djelatnost;
- subjekti koji su u posljednja 24 mjeseca prije objave Javnog poziva obavljali istu ili sličnu djelatnost i istu su odjavili;
- subjekti koji planiraju nabaviti opremu od lica koja nemaju registrovanu djelatnost;
- subjekti registrovani ili imaju namjeru registrovati djelatnost igara na sreću i kasina;
- subjekti koji obavljaju ili imaju namjeru registrovati djelatnost trgovine (trgovačke radnje, trgovac pojedinac i sl.);

IV. NAMJENA PODSTICAJNIH SREDSTAVA

Sredstva podsticaja su namjenjena za:

- subvenciju doprinosa za zaposlenu/samozaposlenu osobu za najviše 12 mjeseci poslovanja;
- kupovinu mašina, alata i opreme za obavljanje djelatnosti (nova oprema);
- kupovinu informatičke opreme za rad;
- kupovinu specijaliziranih softverskih licenci neophodnih za obavljanje osnovne djelatnosti;
- troškove registracije poslovnog subjekta (osim osnivačkog kapitala);

Neprihvatljivim troškovima smatraće se svi ostali troškovi, kao što su:

- osnivački kapital,
- troškovi neto plate,
- troškovi režija i održavanja (voda, struja, grijanje, komunalni otpad, telekomunikacije, upravljanje zgradom, internet i sl.),
- kamate, knjigovodstvene usluge i sl.,
- police osiguranja imovine,
- kupovina i iznajmljivanje zemljišta, objekata i automobila,
- troškovi koji nisu relevantni za implementaciju biznis plana,
- troškovi pribavljanja neophodne dokumentacije (upotrebnna dozvola, građevinska dozvola, okolišne dozvole, i sl.) te drugi troškovi koji se ne smatraju prihvatljivim.

Svi troškovi koji su nastali u periodu prije potpisivanja ugovora sa Gradom Konjic spadaju u kategoriju neprihvatljivih troškova, osim troškova nabavke mašina, alata i opreme za obavljanje osnovne djelatnosti kod aplikanta koji su registrovali obrt ili društvo sa ograničenom odgovornošću u periodu 01.01.2024. godine do dana objave javnog poziva.

V. OBAVEZNA DOKUMENTACIJA

a) Obavezna dokumentacija za prijavu na Javni poziv:

1. Zahtjev za podsticaj – (Obrazac 1);
2. Poslovni plan s pregledom troškova (Poslovni plan START UP) – uredno popunjen i potpisan od strane aplikanta dostavljen u pisanoj formi (nepotpuni i poslovni plan koji nije u skladu sa zadatom formom neće biti bodovan);
3. Izjava o namjenskom utrošku dodijeljenih sredstava – preuzeti sa web stranice (ovjerena);
4. Izjava da aplikant prethodno nije bio korisnik bespovratnih sredstava u svrhu samozapošljavanja dodijeljenih od Grada Konjica (ovjerena);
5. Rješenje o registraciji – original ili ovjerena kopija (za aplikante koji imaju registrovanu djelatnost);
6. Uvjerenje o poreznoj registraciji (ID i PDV broj – ako je u sistemu PDV-a) – original ili ovjerene kopije (za aplikante koji imaju registrovanu djelatnost);
7. Obavještenje o razvrstavanju pravnog lica prema kvalifikaciji djelatnosti - (za aplikante koji imaju registrovanu djelatnost);

8. Uvjerenje o izmirenim direktnim porezima (doprinosi za PIO/MIO i doprinosi za zdravstveno osiguranje) iz Porezne uprave, ne starija od 1 (jedan) mjesec, za osobe koje imaju registrovanu djelatnost – original ili ovjerena kopija;
9. Izjava - Obrazac 2 (samo za aplikante koji imaju registrovanu djelatnost) (ovjerena);
10. Potvrda sa JU Službe za zapošljavanje Hercegovačko-neretvanskog kantona - Biroa rada Konjic da podnosilac prijave ima status nezaposlene osobe, ne starija od 30 dana – za lica koja se vode na evidenciji Biroa rada Konjica – original ili ovjerena kopija;
11. Kopija lične karte i CIPS potvrda.

Napomena: Aplikanti, nezaposlene osobe koje se nalaze na evidenciji nezaposlenih JU Službe za zapošljavanje HNK – Biro za zapošljavanje Konjic, prilikom apliciranja dostavljaju dokumentaciju navedenu pod rednim brojevima: 1, 2, 3, 4, 10 i 11.

VI. KRITERIJI ZA BODOVANJE PRIJAVA

a) Kriteriji za bodovanje prijava

Red. br.	Kriterij za ocjenu	Opis	Bodovi	Maksimalan br. bodova	Izvori verifikacije
1.	Vrsta djelatnosti	Proizvodna	10	10	Rješenje o registraciji, Poslovni plan, Obavještenje o razvrstavanju pravnog lica prema kvalifikaciji djelatnosti
		Proizvodno-uslužna	7		
		Uslužna	5		
2.	IT(Software Development)	5		5	Rješenje o registraciji; Prijavni obrazac; Poslovni plan
3.	Kvalitet poslovnog plana	Održivost	0- 15	15	Poslovni plan
4.	Mlade osobe (osobe do 35 godina starosti)	DA	5	5	Službena provjera
		NE	0		
5.	Osobe koje se nalaze na evidenciji JU Služba za zapošljavanje HNK duže od 12 mjeseci	DA	5	5	Uvjerenje od JU Služba za zapošljavanje HNK
		NE	0		
6.	Ima status osobe sa invaliditetom ili zapošljava lica sa invaliditetom	DA	5	5	Potvrda o invaliditetu
		NE	0		
7.	Žene i marginalizirane kategorija	DA	5	5	Žene,manjine, samohrani roditelj i sl.
		NE	0		
Ukupan broj bodova				50	

* U slučaju da dva ili više aplikanta ostvare isti broj bodova, prednost odabira korisnika po osnovu ovog Programa imat će kandidati koji nisu koristili podsticajna sredstva Grada Konjica, mlade osobe (osobe do 35 godina starosti), subjekti koji su ili zapošljavaju lica sa invaliditetom, žene, marginalizirane kategorije.

VII. SADRŽAJ PRIJAVE ZA UČESTVOVANJE U JAVNOM POZIVU

Obrasci za prijavu na Javni poziv se mogu preuzeti na web stranici Grada Konjica: www.konjic.ba i na Infopultu Grada Konjica.

Svi dokumenti koji se predaju moraju biti u formi koja je naznačena pod obaveznom dokumentacijom. Grad Konjic ne snosi odgovornost prema učesnicima Javnog poziva u pogledu aktivnosti koje su preduzeli u cilju apliciranja, te zadržava pravo da poništi Javni poziv.

Pitanja u vezi sa Javnim pozivom se mogu postaviti putem e-maila, najkasnije 7 dana prije isteka roka za podnošenje prijave na Javni poziv.

Kontakt osobe:

Adisa Kevrić (e-mail: adisa.kevric@konjic.ba),

Naida Mustafić (e-mail: naida.mustafic@konjic.ba).

VIII. PROVOĐENJE POSTUPKA PO JAVNOM POZIVU

Postupak po Javnom pozivu provest će Komisija imenovana od strane Gradonačelnika.

- Komisija u prvom koraku razmatra formalnu ispravnost prijave.
- U drugom koraku formalno ispravne prijave Komisija boduje shodno kriterijima i sačinjava i objavljuje Preliminarnu rang listu koja će se objaviti na Oglasnoj tabli, te web stranici Grada Konjica www.konjic.ba.
- Na objavlvenu Preliminarnu listu podnosioci prijave u roku od 5 dana imaju pravo žalbe koja se podnosi imenovanoj Komisiji.
- Po isteku roka za žalbu i rješavanja po pristiglim žalbama, Komisija u trećem koraku predlaže Konačnu rang listu te istu dostavlja Gradonačelniku.
- Gradonačelnik donosi Konačnu rang listu korisnika podrške koja se objavljuje na Oglasnoj tabli, te web stranici Grada Konjic www.konjic.ba.
- Sa odabranim aplikantima Grad Konjic zaključuje ugovore u kojima će se definisati međusobna prava i obaveze ugovornih strana, a posebno način i dinamika korištenja dodijeljenih finansijskih sredstava, monitoring implementacije prihvaćenog biznis plana i namjenski utrošak sredstava.

Kontrolu utroška dodijeljenih sredstava na osnovu ovog Javnog poziva vršit će Služba za privredu, poljoprivredu, investicije i lokalni razvoj. Ukoliko se ustanovi da se dodijeljena sredstva koriste protivno odredbama zaključenog ugovora, Grad Konjic će raskinuti isti i korisnik će imati obavezu da izvrši povrat cjelokupnog iznosa dodijeljenih sredstava.

NAPOMENA: Gradonačelnik zadržava pravo da poništi Javni poziv u svako vrijeme, ako procijeni da za to postoje opravdani razlozi.

IX. NAČIN I ROK PODNOŠENJA PRIJAVA

Prijava na Javni poziv podnosi se dostavljanjem obavezne dokumentacije naznačene u Javnom pozivu u zatvorenoj kovrti na Protokol Grada Konjica ili putem pošte, na adresu:

GRAD KONJIC

Služba za privredu, poljoprivredu, investicije i lokalni razvoj

Komisija za provođenje Javnog poziva

Maršala Tita br. 62 88400 Konjic sa naznakom:

za učešće u „Programu podrške osnivanju biznisa (Start-up) i unaprijeđenju biznisa za 2024.godinu“

- NE OTVARATI -

Rok za predaju prijava je 30 dana od dana objavljivanja Javnog poziva na web stranici Grada Konjica, odnosno do 03.07.2024.godine. Prijave dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka.

Nepotpune i neblagovremene prijave se neće uzimati u razmatranje.

Na poledini koverta obavezno naznačiti ime i prezime fizičkog lica ili naziv pravnog subjekta koji aplicira, adresu i kontakt telefon.

Pripremile: Naida Mustafić i Adisa Kevrić

Predložio i kontrolisao: Pomoćnik Gradonačelnika Orhan Tucović

GRADONAČELNIK

Osman Ćatić s.r.